

則况之心脅股肱論材品則比之棟梁柱石用人當
否孫國重輕伏念臣固陋之姿樸野之學詳試已久
績無聞向者 太皇太后 皇帝陛下拔自天官
寘之詞禁未踰期月擢列近司樞轄省綱預聞國政
謀謨寡效誅譴是虞敢料聖知更加褒進陞揆路儀
刑之地兼西臺基命之司禮秩並崇責任深重伏况
臣才非穎特年已耄荒處于承助之間尚多曠事據
乎端右之要益惧疾顛顛寢息俾安愚分所有除命
伏望聖慈特賜追寢

待罪

臣伏覩降侍御史楊畏彈奏昨差賈易知蘇州由滯
詔命二十餘日謂臣獨主其事乞施行者臣才識愚
闇久滯近司論議疏違致有臺劾繁其罪戾宜即嚴
誅夙夜戰兢不遑寧處臣已請朝假見歸私家待罪
伏望聖慈早賜施行

又

臣近以待御史楊畏彈奏差賈易知蘇州由滯詔命
私家待罪伏蒙聖慈特賜詔書所請宜不免者聞命

震惕愈不遑安伏念臣識性至愚迂濶于事預聞後
政忽涉三期以樗散之材荷棟隆之任常懼曠職上
累清朝昨議差除初謂奉行于政事未及奏覆遂致
稽由于詔書果取人言盡從吏議雖聖恩夫覆察其
本欲尽公而与論波騰乃謂專任獨見愆尤至此典
憲寧逃伏望 太皇太后陛下 皇帝陛下案用臺
章早賜黜責庶幾修明法令有罪必行警肅周行不
才知悞

又

臣近以侍御史楊畏彈奏差除賈易知蘇州由滯詔
命事再見札子奏乞早賜黜責伏蒙聖慈特賜詔書
所請宜不允者聖恩深厚仰戴昌勝孤近兢危彷彿
靡所竊以宰輔大任表率百官人望所歸則議論行
而必信物情不与則名器輕而易搖而臣猥以朴愚
誤蒙任使上不能謨明臈罔以熙庶工下不能甄別
人才以協衆望誤朝有譴擢寧窮致招人言上黷天
听名一絳于白簡罪當寘于丹書雖二聖覆之如天
未令投迹于四裔而群臣謂其失職也宜色羞于近

班是以屢買封章冒塵梳續再紆中札曲諭宸衷捧
詔驚惶重自思省本欲便祈于歸老屬茲方負于罪
辜倘布息誠懼為僭越在臣進退之分敢計重輕于
國廢置之間實閔勸沮伏望 太皇太后陛下

皇帝陛下矜憐甚慈本無他賜素舉歲科亟行幽黜
一則安全于介拙尚蒙保餘生一則嚴息于煩言遂
清朝路

辭免視文殿大學士集禧觀使

臣今月初九日准閣門差人賜到官誥伏蒙聖恩特

授依前左光祿大夫光祿大夫光祿觀文殿大學士集禧觀使者
方保遺投遞聞寃命蹈天踏地莫敢違寧臣伏以

仁宗皇帝置大學士完持師儒之官 真宗皇帝建
宮觀使非見仇政未嘗兼領近年雖有除授前宰執
之例皆時望宿德然後授之而臣輔政無狀坐致臺
劾聖恩寬大未忍加誅許其善罷已為傲幸而又授
以美職家之燕間雖天地生成之恩何以過此然念
臣早以疲憊屢控息誠乞還印章願歸田里久未獲
請深愧強顏反因赦過之私并有非常之命悞玷名

器不厭人言伏望 太皇太后陛下 皇帝陛下矜
憐憫愚收還新命許遂前請得養餘齡所有告命已
牒閣門未敢祇受伏乞聖慈特賜俞允

又

臣今月十三日伏蒙聖慈以臣近上札子辭免新除
視文殿大學士集禧觀使恩命特降詔書不允者仁
聖保全非不知幸礼秩優異惧弗克堪伏念臣德薄
任高犬馬齒髦日積悔吝辜負厚忘自為吏部尚書
後來累曾引年謝事比期便獲歸年敢謂 二聖誤

知權預政事終踰再歲進位宰相雖木石踈頑豈不
知報德之所倘可自效不憚捐糜然以竊位偷安實
愧公議受祿過量必有後灾故于春初再露前請重
煩睿聖博諭再三臣向感眷知猶思強勉不敢固守
一介之節以勇退為高才積水淵之危果貽負乘之
誚遽連罪戾招致人言謂當必寘典刑豈敢復求安
便今者伏蒙 太皇太后陛下 皇帝陛下察見孤
直本無他賜宥以職名使同善罷則臣之素願尚可
重陳伏望聖慈矜臣愚誠退退寢新命許令休退庶

可以上全朝廷之大体曲尽寬恩下遂孤愚之初心
竟詣老再瀆宸聽伏俟嚴誅

又

臣近再具札子乞退寢新命許令退休伏蒙聖慈再
降詔書不允者露章重疊蓋出憂惠被命優隆益深
罪戾尚有愚誠之未盡敢憚底裡以上陳屢瀆天聰
難逃國憲伏念臣尚愚一介遭遇四朝仕官凡五十
餘年矣懷止足荷恩非一二可紀未報毫分福過灾
生老至耄及累祈休退已踰越于禮經尚此盤桓果

招來于物論自惟踈拙几至顛隕荷聖造之曲全解
政司之重務良惧所蒙之厚固多微幸之慚倘不踐
于前言是自隳于素守重念臣稟賦至薄年病交侵
冬春以來內感寒墜之疾朝謁之際常恐遲慢之愆
近又失于養調茲則几于委頓雖欲貪冒于崇秩豈
不取誚于衆視况臣本是書生粗聞義訓若材力猶
堪于任使願重祿而敢辭既精神已迫于耗昏雖閑
官而莫稱義之所激寧亦難安伏望 太皇太后陛
下 皇帝陛下推天地生成之私察臣隣誠懇之意

聞於孤特曲賜允俞許上即章俾還閤里遂克完于
晚節得涵泳于太平不殞天年莫非帝力

或恐謂故事以罕臣敢政礼恩優并不當日

謂請緣臣已蒙制命罷政事自與見任不

同臣乃再三冒伏乞 聖慈特賜矜察

乞依例朝朔望

臣伏奉今月二十一日詔書以臣三上劄子乞退養
新命許上印章俾還閤里所請宜不允仍除大朝會
外特免朝會者礼恩優异非昧陋下臣所宜當受然

以累辭朝命屢承詔旨不敢再有陳乞已准閤門賜
到官誥即時祇受訖見擇日入謝决伏念臣誤蒙任
使久積愆尤以老疾獲解近司荷聖眷尚塵重職雖
膝理塞壅未遂痊平然拜跪伏興尚能勉强居在城
缺坐廢朝趨不惟偃仰栖遲自招物議兼恐宴安醜
毒必致天殃進退彷徨莫敢違霎其免朝會指揮欲
望聖慈特賜寢罷所冀少安愚分不至顛危于冒天
威不勝戰慄取進止

辭免知揚州

卷六十九

十一

臣準閣門告報已降勅命差臣知揚州軍州事者聞
命震驚不知所因伏念臣齒髮衰殘智慮昏耗久玷
近序深負厚顏是以累上封章願歸田里夫表涵育
未賜允俞夙夜彷徨方惧罪戾忽蒙聖眷授以要藩
雖朝廷進退近臣務全事跡而老臣惕玩晚景常恐
傾擠它可更冒寵榮不知止足力所不逮義寔難安
伏望聖慈察臣款誠本斷開退收還新命特賜哀矜
聽用繁章許令致仕保養餘息實自生成退處衡門
敢忘報稱所有勅命已牒閣門未敢祇受

又

聖恩深厚眷禮敦隆臣雖至愚實知優異便合奔走
承命信次之官緣臣本以暮年愚求致政豈期異渥
更授要藩之不惟朽瘁之餘難當寄任兼于進退之
際殊失庶隅反復省思未知所措是以不避僭瀆重
布悃陳伏望聖慈特賜矜察聞臣齒髮衰顏疾病浸
淫若或更員兇先苟貪祿任爵非德報諒譏議之難
逃福過災生懼死亡之無日仰冀聽卑之造俛推欲
從之仁霈發德音許遂前請倘未填于溝壑敢忘惠

于乾坤夙夜彷徨恭俟俞旨

又

屢奉德音伏深戰慄情有未盡義雖自安仰讀逵旒
甘從願黜竊以東南都會揚為巨藩平時長臨猶藉
重望豈茲老朽宜竊靡符况臣沾數潤州境候相接
紉恤親屬辰省松楸在臣之私至為榮幸但以遲暮
之景精力已衰當此要衝恐不勝任是以內懷止足
外惧傾危冒控誠俟命累日彷徨顧慮愧惕兼深伏
望聖慈察其懇款曲推洪造特賜允俞俾遂退閑免

譏議稍還晚節上報天恩

臣伏見前馮京任宮使之初猶朝朔望令臣
便蒙優禮深不違安伏乞聖察

乞致仕

臣近以衰病告老累上封章伏蒙聖慈再降批荅未
賜允俞仍斷來章進退彷徨不知所措伏念臣生質
甚陋才不瘳人仕官四朝竊祿五紀年加者艾而無
經緯本末之能位在公台而有栖遲偃仰之誚固宜
引分難久冒榮加以自冬涉春寒壅遘厲晨夕趨務

咳涕弗禁每侍殿墀常虞委頓願隨儀範深積僿尤
雖二聖色荒務全大体而萬几有責豈可曠官是以
疊控危悚上干宸听丐違印綬退家田庐待命累展
稽誅有日矧今朝廷貴德俊傑在官去惑治煩固多
善類守文應變尤藉通才豈茲羸老之軀猶妨美者
之路伏望 陛下矜臣不逮察臣無他廣天地生成
之恩任為飛魚躍之性許行前奏使遂私誠如此則
得請以還餘息皆由于上賜沒齒之後營兔猶將于
洪私迫切之誠殫竭于是取進止

又

目近以老疾累上封章乞守本官致仕伏奉三月一
十六日詔書所乞宜不允仍斷未章臣拜捧之際荷
戴天恩貪戀聖任辰不敢再有陳請姑欲勉強在官
更俟年歲懇祈休老不意旬月以來故疾頻發胸脫
咳頓腰足拘掣步履艱難膚草癢瘡閱視簿領不能
勝任接对吏民益自羞愧竊緣衰暮每懷日昃何久
之嗟稽諸訓言亦有在行不休之誠以此憂懼益不
遑安重念臣今年七十六歲仕宦五十四年歷事四

朝遭逢五聖積日累久遂致公台復忝通班出守藩
郡冒榮尸祿又已踰年 陛下宥待旧臣天覆地載
不忍遽見弃道息礼綢重可謂至矣臣愚叨竊可謂
極矣所恨疲頓不堪驅策若更因循自取殆辱非唯
上負眷宥晚夕靡寧將恐遂至膏肓漏刻難保是敢
罄殫危迫之愚仰冒高明之聽倘上蒙矜憫賜以餘
齡雖退寧草節敢忘報效伏望特降 聖旨檢會臣
前後奏章許守本官致仕臣無任祈天俟命激切屏
營之至取進止

又

臣實為近日故疾頗有發動雖上体眷懷強親職事
然筋力有所不逮常恐顛仆玷辱近班伏望 聖慈
特賜矜憫許令致仕倘得退就田里輔養衰疾稍獲
安痊則朽質餘齡皆出陛下生成之造無任迫切之
至

又

臣近者累止封章乞守本官致仕伏蒙聖恩疊賜詔
書所不允所請仍斷未章臣具札子再控懇誠至今

未奉朝旨伏念目齒髮衰耗疾病沉綿雖祇奉德音
勉親職事然而精神終是昏短筋力愈覺疲羸日對
吏民嘗虞顛仆非惟自取譏議抑恐上污朝班伏望
聖慈矜恤特降指揮檢會前奏早賜施行所冀退就
邱園稍獲安養保全終始實荷天恩臣無任旦夕仿
徨俟命激切之至伏取進止

青詞

為河南郡陳太夫人服藥設醮

伏以羣生稟賦莫非造化之陶蒸萬事推遷蓋有灾

祥之倚伏惟大道默垂于敕度故高曾顯述于禱祈
伏念臣生質至愚福基甚薄適冒塵于祿任致時違
于迤邐近屬偏親偶嬰沉疾上池良術木臻瞑眩之
功大洞仙科敢茲依投之願丹誠終起喜應俄彰果
諧勿藥之和遂獲調甘之適因消吉旦戴潔公庭案
芝簡之奕儀叩玉清之颺馭仰祈至鑒大布鴻恩息
痲痛于四時集禧福于百順慈親上壽倍延仙籍之
期人生畢世永協卷堂之慶舉族均蒙于保祐所居
咸達于康休上酌墮臨之隆誓守勤行之志

蘇魏公文集卷六十九

蘇魏公文集卷七十
祭

祭濮安懿王

祭王叅政

祭楊尚書

祭楊侍講

祭劉丞相

祭王宮保

代宋相祭王宮保

卷七十

一

蘇魏公文集卷六十九

蘇魏公文集卷七十
祭

祭濮安懿王

祭王恭政

祭楊尚書

祭楊侍講

祭劉丞相

祭王宮保

代宋相祭王宮保

卷七十

一

代杜丞相祭范資政
代張端明祭范資政

祭呂侍講

祭陳侍中

祭張宮保文定公

代中書祭秦國公

代中書祭唐恭政

祭秦國太夫人

祭歐陽少師夫人

祭濮安懿王代宋相

伏以國家系本仙源慶贊帝祚累聖積厚洪支益繁
漢家二等之封並崇爵邑唐室百孫之盛咸萃京師
蓋上聖敦睦之禮隆故諸侯信厚之風著綿、流澤
永、無窮唯王以方重之資兼粹和之美居家樂善
服東平之言好古和書得何間之尚向承繼世之典
首膺開國之封位極公侯而無貴倨之失地長邦族
而有孝恭之稱對世寇祿而益謙視古美王而未愧
故能保其富貴享是壽康為表儀于宗藩方加異禮

掃內外于正寢奄謝明時國邸纏悲哀衿結愴追榮
近壤陪塋崇陵惟善始與令終非至德而實逮某叨
聯古府常接近班聆祖軸之在行空瞻前緋潔奠壺
而荐信奠達幽泉神鑒不遐丹誠是諒

祭王恭政

嗚呼天以粹氣昇于格人公享其厚積為懿文帝倚
群矣登翊玉度公被其用時稱哲輔爰初擢秀冠冒
俊良凌厲霄漢羽儀周行書坊紬繹禁複徊翔蕝于
事業見乎詞章謨誥雅略詔冊昭莊公備体用訓言

汪洋華端庸寸利津多方臺閣規模朝廷憲綱公所
典領或推練詳奉行故事才宜佐皇進登斗樞遂泰
時柄恪主以道矢言必正敝去多閔門朝無倦今天
子謂之匪直也令公在廟堂于茲八禩四方宣力百
為尽瘁密勿軍國亮寅天地才難善哉用未殫志方
加冠榮式先大議宜錫難老示登皇器寢疾浹旬訃
音遽至宸辰典嗟輦輿出次載念忠良軫傷後事歸
賙加等冊追端揆密印燧章以告其弟思榮始終是
旌遺懿去倫戚嗟相頽隕涕凡我常僚奉同反袂清

醕載觴有羞式備荐以哀辭庶同誠意

祭楊尚書

天以正氣鍾乎夫人公稟其生拔乎類倫皇爲儀
爲端聖辰金相玉質內勁外溫弱齡馳譽富以高文
躡取科甲跬步青雲帝用嘉之擢于紫宸前視卿相
進亦遂巡經綸之志始蒞復埋萬里之馳半途而屯
遭此大厲孰訊穹昊乃令士林愴失良臣嗚呼哀哉
士以文祿或窘于用世豈之才疇克兼衆觀公之爲
靡施不中其器無方所利則慎重亂洽煩不撓不緘

其在內庭忠言日彰道宣上命德音鏘洋見于事業
作為文章訓辭深厚詔冊和莊寸毫尺管利澤四方
入爲御史百僚端肅出臨輿藩千里蒙福再尹京師
風行輦轂三提計權事著條目簿牒放紛裁處弥速
獎源室除吏手歛縮平居與人侃々樂易遇事果行
正色無避虜介來朝欲自矜異報我官儀傲以殊礼
人難其拒公立庭止且謂戒心浸不可啟抗辭毋撓
卒正朝体人謂公才效于已試餘刃沛然銛若初礪
使其且壽何向不濟今亡矣夫孰不揮涕某等嘗以

僚契幸茲交從義分之篤心照誠通良友遊矣齋恨
何窮緬懷遺德徒面清風者觴薄奠聊寄深悰平生
不忘魂鑒于表

祭楊侍講

嗚呼古之儒者專門明經師學相傳異端不行未流
既散小辨滋萌衆說說、講解縱橫孔鄭諸矣古訓
是承優入聖域闢其閑闕排斥異說傳注乃興由是
微言皦如日星後學尊宗視為準繩知其說者是以
自名懿、夫子業專志精守經據傳先儒是程通解

六學早擅厥聲由茲仕進疏取紫青僕射軍公時之
耆英師友兩朝領袖諸生士游其門皆為名卿子以
高第被其荐稱入侍金華講勸西清惟我哲后好古
多能清閒訪道眷于老成惟予被遇恪恭恪誠專用
師說開悟上明陟降二紀便蕃冠冕陞官瑣闥躋職
禁局朝廷禮待均乎老更稽古之力何謝桓榮天畀
五福貴壽康寧為儒始終茲亦鮮并令已矣夫歸于
杳冥轉惟即路祖奠載庭言還東國反桑故塋凡與
雲僚共言愴情清觴告訣魂兮是聽

祭劉丞相

嗚呼江漢氣清廬衡地靈孕奇權乃是生良才公鍾
厥美逢時奮榮少也穎拔性若天成個過魁壘總于
人聽揆策執苑朱儀帝庭文孝高第名實飛騰其罷
既利其蔭必昇立朝勁挺不倚不陂拖于有政流為
慈惠江湖之間民謠更帝用嘉之名還近次乃尹京
穀換煩無滯乃貳召昂預聞朝議中書政本國體攸
係任以大柄非矣孰寄公之登席上尤注意躬事衆
責不疚毀訛剛果內持由義而濟委冤出藩亦諧雅

志二邦偃息風力弥厲膚体且強歡言自遂如何奄
忽頽然近逝嗚呼人生有涯寓形斯世旋復廷流詎
非夢寐道信于時乃生之貴神歸其本非歿為累唯
公通悟固得于是人情怛化徒懷風義奏訃來上宸
衷戚傷厚其賙典加以極章君恩終始拊存念亡瞻
彼輜車言經旬疆精爽如在游好未忘尊酒盈旨俎
羞令芳至誠是存魂其迪嘗

祭王宮保

嗚呼人性之稟異其柔剛或失厥中非悞則強公履

其和外溫內方行不詭激道無迎將文雅雍容冠映
周行歷踐世官無忝前良鈇榘職業勤勞不忘臺閣
規撫時推練詳國史善志裁成义例禁林起草久參
厥秘擅筆削之三長演絲綸之七制登貳公衮預聞
政治啟沃嘉謨奉行故事進不矜乎重任退亦安乎
闕地洎執憲于臺復抗論于大詎班聯為之忸動貴
俸從而推避蓋語默之適宜亦始卒之無愧方告老
以歸休遽妄順而長逝嗚呼吉人為善實獲于天富
貴壽考德優祉全其所痛者不及百年道既行矣夫

何憾焉凡我堂僚徒茲愴然聊陳樽蓋之薦告訣惟
棠之前冥漠可通神其聽旃

祭王宮保代宋相

夫天下之達尊者德爵皇極之享福者壽考是為具
美鮮或兼全公以文藝博通行義修潔濟仕華旦則
揚歷于臺閣預議大政則練達乎典章踐履高危之
塗優游不競之地惟進退不失其正惟明哲以保其
躬出守外藩入侍清燕用之不侈于權利已之不易
于常操蓋守道能固自信不疑古稱善人在我無媿

予更仕任之美則掖垣之顯華憲臺之權寄近輔
貳公之貴尚書八座之崇益中朝之要津極一時之
清遠公皆荐居世職克紹前烈暨大年至傳家請恩
納致至主嘉其上足時論推其恬夷雖不及享期頤
之齡遂喬松之志卒以中壽歸全日室茲可謂善始
令終全名無玷者矣某也遊榮路仰止才量痛故人
之長逝嘆清風之莫追忝荐菲儀采賜永訣

祭范資政代杜丞相

嗟：希文于是已乎哲人已矣孰不悲吁吾失我友

天乎祝予福善之報意亦何如我思古人方負美粹
識通通廣心和色毅政事文學聖門高第蹇：匪躬
王臣之義克全厥修以輔天子在天聖間猶為小官
屬時無事法弛禁寬論疏利病書聞宸前上察其忠
不意一別乃成今古君喪在徐我居于宋欲往莫得
臨風愴愴言念平生奄忽如夢薄奠寄誠心焉茹痛

代強端明祭范資政

元間積粹降為美智華我玉罔居 器生都顯榮
歿有徽謚全斯令名在公無愧公之寡躬挺特不羣

個倪大志上千雲覽策名從仕英稱動人：皆謂之
才宜致君公為文章播經守道時務華淫公尚牀要
論述古今發明世教非苟知之亦思允蹈公為諫官
慷慨敢言自下劇上弗屈要權帝用加之擢真禁聯
終靡悼害三黜三遷公殿西陲歷更四帥躬提成師
瞻成遐商羗戎年和請降納質我寔尸之時為長利
公登唐堂佐佑聖皇更贊二府契草維張肅將朝命
拊循邊疆務在經遠煖席未遑公之出藩時乃均逸
不訕下廷首如公一詔奈敷宣民隱恤身居江海心

存王室公適逢辰且更大用疇不屬之宜壽而寇云
胡靡沈推我時棟人之云亡士倫所痛某早歲之幸
幸辱公周旋鄉閭相役日接燕間泊登禁闥嘗授內
班昨麾武林復踵于矣朋好之萬晚乃益堅論議相
直中無間然江干交臂俯仰二年何言此別遂成終
天薄祐多難家遭艱累居睢陽咫尺徐鎮聞公之
喪百感交進欲往吊之滯留為恨言念平生散容未
忘設位寢門悲酸盈賜遣使致奠蔬肴絮觴精誠不
次歆此全芳

祭呂侍講

鼎族華裔載德秉誼憑承慶靈是生俊入顯允唯君
挺奇拔類庶方閔深華國之器壯志矯吉士登朝
基室肯考有服王僚藹乎令聞卓尔孤標韻禎一世
凌厲層霄渠閣校文義類有條詞垣演誥德音孔昭
進階巖近出殿藩郡帥鉞抗稜戎穹感信仁風四方
歡謹三鎮還尹日畿并蒙河潤亦既罷煩咨承乃眷
進讀金華侍游清燕臺閣規撫素号詳練茲更典領
莫非華遠爰彰美才見推諸考在昔先正佐時積勲

勞二紀近衡秉均英方未泯餘德在人我踵厥武佩
荷紫宸天子命之曰唯帝臣時亦祿許當繼相輔璫
珣之寶始入天府棟之才未陞堂礎康莊方馳峻
嶷忽暮彼蒼難問殲良何遽才志勿就命力誰預仁
者有後茲言則然允若而家積厚于前一門威美諸
季蟬聯奕葉流光有嗣象美君子之澤曷窮其源如
古所記魯滅漢袁某等久接餘慶幸借禁籍官或嘗
僚情唯莫逆初聞告歸俄痛疾革詎期信次乃昇今
昔素旌翻東去都門哀歌咽歌祖翼愁空何以致

誠挹彼清樽何以洩哀寄乎斯文

祭陳侍中代宋相

若夫剛方直清上矣之性溫恭誠息君子之行公寔
得之氣全守正積是具美由乎善慶矯：勁貞未儀
聖辰喬梓修榦瑞璵粹溫爰在初仕藹其令聞遠守
一麾抗疏天閭惺惟大議極陳本元先帝嘉公峭直
敢言越从遐陬擢寘諫垣皇帝謂公朝之懿臣登輔
大政弼予一人顯允正先勤勞王國恭預近政時推
邦直清風未泯仍世載德至公益大遂冠樞極公卿

不懈父子善哉公為大臣體親嚴粹正色于朝不懈
于位進唯主知外無是比兩當鈞衡權仕在已心持
公平孰疚毀譽緇以古人美求勝比彼公之雲躬謙
謹畏栗言無易由動以礼率萬石謹厚博山慎密既
明且哲克保終吉還政之請不待年全典冊命之三公
還第優游餘年方諧雅志胡不遐壽頽然遽逝奏訃
初上中朝愴然趣駕臨奠思加等羹哀衣貂冠命以
襚之君臣終始千載一時公塋近郊連因崔魏築闕
道旁再世安茲多塗即遠龜筮告期排佃赤車駟馬

載馳凡我嘗僚永懷清徽音容邈矣興言涕隨荐以
清觴靈其格斯

祭張宮保文定公

嗚呼景德後元協洽紀歲連珠耀芒鵠火之次鍾秀
于人為時之瑞矧在九秋天晴氣霽月正下弦光連
五緯公生是時得天精粹金声玉貞渾然國器岳立
淵渟出乎倫類剛則不折柔亦不靡危行危言可止
可任兩策矣科簡在仁帝四入内庭晚登三事並歲
諸公孰不隆貴或踐亨衢半途而逝唯公始卒德充

福備七紀康寧閑堂遂志一品晏安萬緣泯弄不怛
物化考終蟬蛻生成純灵歿全浩氣騎箕入昴孰知
所聽斯文之定名空遺永世藐是孤生早緣素契爰
自弱齡獲聞叫義投携成就愛均子弟每侍燕閒兩
忘年位名理之談或容難設間閔且久音書沓至昔
聞公表遠均朝綴臨吊無从荷恩有地今叨守藩過
公里第言瞻松楸交揮淚涕一觴荐誠百感中萃永
懷德音歿齒無替

又

唯公稟德河嶽王者之輔出而逢時道則靡阻初來
公車晁董首奉言配乎經行應乎古禁垣黃閣雍容
步武遠猷闕議沛然執御公出在外心由帝所憐
懷忠盡言不顧別必摧之非柔則茲惟是全德一代
之矩矱我先公金石之契臺閣同升道義一致伊昔
侍側話言在述辱登公門垂今四紀出处契濶造請
莫繼謂公難老天錫之祉遘疾未几孰云不起訃來
痛哭我則何已薄奠致誠尚或鑒此

代中書祭秦國公主

帝唐之盛女曰娥英爰周邺隆王姬振聲粵我仁祖
跨唐軼周溫太主實茂芳猷惟主之美慈和柔惠
其質蘭薰其儀玉粹結爰帝后孝恭夫至執勤傳保
言容曰備往擇好述屬在下門恩降下嫁禮視惟藩
爰開湯沐爵命再頒成此肅雍車服以藩寵冠三朝
義先近戚帝錫之祉光華赫矣云何不泐遘疾斯幽
捨此明辰歸于厚窆帝念仁姑曾不永年悲具長樂
痛軫慈顏奠長制服追愴親矣迨臣督葬卜吉新阡
肅惟禋嚴、鹵薄神閨啓銘靡旌即路潔此饋羞

奠以清饌菲誠是將明灵斯存

代中書祭唐恭政

致祭于故恭知政事贈兵部尚書唐公之灵惟公稟
江漢之粹灵挺荆衡之材秀來儀上閣國自致青雲
在仁宗朝以峻節清規擢踐臺閣登侍名禁在英宗
朝以重名遠略入長風憲出臨藩州今天子綜覈功
臣寤寐矣峻名君方面委戡計庭不及一時恭輔大
政惟其弥綸之蘊施設之宜資適逢時而壽屈于中
壽才可經遠而卷道于半途公之云亡國之不幸茲

所以崇僚之列周行之間靡不如痛于哲人而齋咨
于遺直也命龜協吉輶車云西酌以清觴愴乎永訣

祭秦国太夫人

粵若人倫之美唯德及齒婦道之榮在夫与子展如
夫人備于是矣夫人之生稟貞柔明始自華曹歸于
名卿宜其室家是鍾慶灵毓我邦傑為時宰衡君臣
一德旦暮千齡夫人之矣辨通明智酒醴澄潔蘋蘩
助祭娶季姜通達行必由義卸母善導處而擇菡闈
風嫒則流徽与世夫人之貴圭黻一門子登生台女

從大儀衣服承顏副并寧親晨羞列鼎昏定重首階
庭獻壽婦孫說：惟先令君德履有素命不副才位
止郎署君子之澤乃詔厥緒夫人克終享其榮祚朝
尊見宰家承并教陪封大國冠班外婦歲時入覲特
隆眷顧壽歷耄期体弥弥強固委化而終伊神之祐
夫人之止哀戚道旁相君摧瘠天子嗟傷詔加恤典
宴輟春觴內媵視飲玉人治喪自決之間帛使相望
婦之貴者前誰比才楚亦德茂乃至流長某等五遊
相庭恭承母德教義所敦頌嘆无斁今聞轡車言归

厚宥茹挽盈路明儀連陌聊停總惟一奠殷駢至誠
是薦神其來格

又代執政

惟灵以淑質異稟克生良奧之家以懿德令儀作娛
華顯之室動遵圖史行為楷模蘋蘩事公侯之宮幅
軸知將相之事毓我元輔登于上台千載之聖矣相
逢一門之忠孝兼備雖民心扁望本玉佐之高才而
朝寵再加推母慈之善導是以褒封号者三紀冠娛
班者七年膳羞甘旨食萬鍾而無慙康寧壽考亨五

福以斯全才且榮鼎茵之在前祝椿靈之難老極是
孝養樂乎感哀辰何生理之有涯邊歸泉而委順相
君鉅創宸扆驚嗟厚恤而紆詔函臨宴而罷朝會內
司賓省其斂服人謁者治其葬儀恩禮之隆本由乎
上眷命婦之貴絕比于當時終始不移哀榮斯極某
等備員公府接武相庭早聞積慶之餘竊增嘆念今
愴廷神之速祇令推傷望祖緇以致誠潔壺觴而為
酌芳魂不泯嘉其是歆

祭歐陽少師太夫人

彭城郡太夫人之靈挺生德門作嫔良人闡儀閨風
睦于宗姍泚貞懿行宜尔子孫恭則順婦矣則慈母
鍾愛令子為時良輔五朝汲直出藩台父躬扶板輿
尹茲亩都羞冷潔膳昏定晨趨華髮垂堂家人愉
承顏順色能竭其力胡不百年遷喪美德徽音已遠
孝慕何極夫人之生既福且榮大郡疏封再加寃名
六紀歸全亦謂遐齡厥日唯吉輅車南出翩彼丹旌
挽乎素紼哀慟路人慘變朝日某等咸以備員趨府
踰年冥事令子有悲有思聞夫人喪孰不潛然哀意

難見敢致薄奠聊寄悲酸非取豐腴靈鑒如存享此
誠薦尚享

又

唯靈夙稟柔儀內蘊懿德歸我良士是生哲人湯沐
啟封再被絲綸之寵旨甘為養奉承晨夕之歡方享
輝榮遽傷殂逝眷苗京之諸史笑子舍之雲僚獲遵
尹正之規素欽美母之範旌車南轍傷永闕于徽音
有醑致恭敢少陳于菲祀芳魂不昧歆此至誠
蘇魏公文集卷七十

蘇魏公文集卷七十一

祭文

祭杜待制

祭李賓客

祭杜監簿

祭王秘校

祭王侍郎

祭韓殿丞

祭故潁州通判鮮方都官

難見敢致薄奠聊寄悲酸非取豐腴靈鑒如存享此
誠薦尚享

又

唯靈夙稟柔儀內蘊懿德歸我良士是生哲人湯沐
啟封再被絲綸之寵旨甘為養奉承晨夕之歡方享
輝榮遽傷殂逝眷留京之諸史笑子舍之雲僚獲遵
尹正之規素欽美母之範旌車南轍傷永闕于徽音
有醑致恭敢少陳于菲祀芳魂不昧歆此至誠

蘇魏公文集卷七十

蘇魏公文集卷七十一

祭文

祭杜待制

祭李賓客

祭杜監簿

祭王秘校

祭王侍郎

祭韓殿丞

祭故潁州通判鮮方都官

卷七十一

一

祭張職方

祭外舅平駕部

祭外姑高夫人

漏港灘祭男穎

祭亡妹張氏五縣君

祭甥張氏子子念二郎偉老

穎州謁廟

南都謁廟

南郊禮畢祭諸廟

英宗皇帝即位祭諸廟

祭双廟祈雨

祭喬太尉廟祈雨

祭喬太尉廟謝雨

祈雪

謝雨

祭喬太尉廟祈雪

祭諸廟祈晴

祭張公龍王廟祈雪

祭張公龙王廟謝雪

祭諸廟謝雨

祭張公龙王廟謝雨

春祈歡廟

春賽諸廟

秋賽諸廟

祭勾芒

祭土牛

祭魏武帝

祭窮后

祭城隍

祭牛龍

祭五龍

祭土地

祭天王

祭杜待制代歐陽

故慶州經畧待制杜公之靈惟公之才時推王佐有
文有武萬夫之望頃自南署使于南荒夷獠震警請

命不遑更鎮北地威懷西羗戎有犯命立真斧鉞邊
陘晏然帝稱其良如公之賢宜壽而滅胡為不憇今
也則亡秋風蕭、汴流湯、扁舟西來載公之喪故
人守土送于河梁一奠致誠我心增傷尚享

祭李賓客

故由臺賓客李公之灵若夫三品通班五紀中壽惟
公享之福善之祐聞望在時清白遺後歸全美名歿
且不朽遠日啟塗素旌引柩一奠荐儀哀誠莫剖尚
享

祭杜監簿

將作監主簿杜君之灵挺生慶門稟服義訓初仕鄉
屬方廣家声燁乎其華秀而不實割慈天性均創路
人薦以菲儀達于齒壤尚享

祭王秘校

嗚呼予与子直世篤朋契越在稚年游从講誼而家
情親各有兄弟輩同館秋闈並試爰子於怀脫落
放肆嘉子文章俊雄雅鹿謂如子才必用于世吾儕
齷、曾莫跂至不見數年声名益熾先後相望並收

科為子慰宛邱予賤京師傳聞治声民歌詠之竊私
嘉嘆有友如斯子罷陝官予方忝麾承以疾苦相見
無期既來汝陰子以表歸不見神鋒乃見裳帷與言
愴慟涕淚友顧念昔相從情弥者二十餘年流離
憂患同輩後何會而復散今乃与子生死間斷長年
多感動增喟嘆况復懷感心推意乱胡城子居朝陽
子歲日月有期吉在仲商幼子未立母兄治喪交友
來吊撫事悲傷者醴奠之詞以侑觴

祭王侍御

唯公德業之茂資歷之美盖有朝廷辞命諸公杖誌
贊之詳矣固非晚生末學所能称述其彷彿也重念
曩以世契獲拜座隅復得与公諸子交游義同子姓
是以蒙顧之厚不与他比今茲守郡見公松楸感旧
愴怀不能無慟恭奠薄醴以荐丹誠

祭韓殿丞

夫以萬石承家累業濟美能用優孝仕于明朝振鷺
在庭早通于閨籍左魚為郡已試于吏能方將凌厲
亨衢顯揚先太上才用既遭志量巨量降年弗長中

道而盡相君動尤子之戚士友傷秀林之推靖旌將
歸豆觴為奠乘歆菲薄用表信誠

祭故潁州通判鮮于都官

嗚呼君之立朝泚慎端純君之奄忽哀感路人藐尔
諸孤茫然老親賴君以生天胡不仁既奪其壽其居
則貧翩、旌旆潁水之清酒醪既酌荐俎交陳俎詞
以寄哀聞乎不聞

祭張職方

唯公行實內縕名為衆聞享以干祿忠而事君孰謂

中道遽喪仁人公之季弟與余同第今又同官寔敦
厚契聞公之亡潛然隕涕徒臨殯柩音容莫際魂其
有靈歆此誠意

祭外舅辛駕部

昔公守遼旌旆去國秋郊恭愴離行色昨公罷郡還
朝有期日望西城車音何遲忽得公書情梁春、語
以疾草由于南甸初聞驚駭恨莫得見曾未旬朔遽
罹禍灾人生契濶固不可量自昔別公膚休方強豈
伊三載乃葬公表一念及此百憂盈腸嗚呼哀哉公

之業履清方粹美考稱閨門道信閭里人皆趨時我
獨用已甘節令名始終無毀公之蒞官嚴而不殘繩
吏以簡馭民以恩柄臣荐之才宜治煩三郡風績遺
愛猶存天子善人慶常在後才不必貴賢不必壽古
皆有死磨滅誰究唯餘德澤歿在不朽公之世曹義
烈相承忠獻之裔雖遠簪纓晉國諸孫亦既顯榮朝
閨即舍弟聯兄繼公有令子是詒是似伯也實才自
為良吏仲也多文足致名第肅、清風茲焉不墜某
早以愚藐獲奉姻述名非蕭咸愛同張侯風期相許
息意綢繆追念平昔音容莫由惟坐空望奠觴遙隔
馳茲絮叢貳以肴核礼毋菲糜哀緣情極魂鑿不忘
歆此誠幅嗚呼哀哉

祭外姑高夫人

恭唯夫人之令德壽考柔声懿範某已紀銘于石傳
告來裔非茲詳言而後信也願惟鄙陋叨預姻列蒙
被厚愛二紀于茲而以薄仕羈縻得侍几席者曾無
幾時恭聆訃音愴恨何已又聞已得吉卜合祔先兆
復以罪繫朝籍不獲躬陪執紼之末追念音容永隔

泉壤恭記薄酌用將微誠推痛在心神其來享嗚呼
哀哉

漏港灘祭男穎士

三十一郎穎士之靈汝生十年而警惠超特蓋有過
人者誦書秉筆志趣已高承順親顏未嘗遺忤而又
奉侍太夫人朝夕不離左右衆人知汝為孝子矣應
接中外者方有賴于汝吾遷東陽汝喜其行不幸道
途遘逆遂罹覆溺之患喪爾淑貞時我之辜觸事冤
摧痛徹五內以爾之夙悟早成雖遭橫夭必不至于

為天為厲使人惡忌固宜証無生而入有生應受而
現當為矣而為才光顯將來不然桐山之高巖臺之
清可以游神接靈與以岳並秀亦汝之素情也寄孀
佛舍倍愴吾心拊棺致誠一慟永訣

祭亡妹張氏五縣君

尔生有懿淋之質故先君僕射特鍾愛焉早孤不天
予主宗事為尔擇配久之始歸吕氏吕大宗也尔能
恭順協睦不失婦道未幾而喪其夫予以尔又歸張
氏張志士也尔能沒薄靜專克成夫志不幸復失良

人以子幼未立未還吾家予方謫守東陽奉太夫人之官尔实在親側晨昏就養宜無憊于尔心也今者舟過漏灘忽有覆溺之患寔予薄祐致汝無辜冤痛号呼不能止抑爰以吉日塗厝于新定佛舍惟是窳窳之事則張氏有墓可以歸葬矣吕氏有子可以承祭矣冥識不昧必知所依臨殍致哀心焉如割

祭甥張氏子念二郎禱老

尔父懿行清文士林之傑既不克施于時中道而隕神理佑善謂宜鍾爰于尔躬未易量也方從母氏歸

寧我家且使就學以成尔善不幸道途罹覆舟之厄遂至不救冤痛摧功我心如何權厝僧房坊以從尔母氏之柩酌以薄酒用寄悲懷

穎州謁廟

刺史奉天子命長臨一郡境内之祠理當有事必修謁而後敢治惟神福民祐善一境所依賴真猷之數不敢缺也

南都謁廟

伏以大火故虛興王與宅建都立國主社與民明神

是依命祀攸謹致恭謁款存有常經某近忝授符爰
茲守鑰初臨署位君命斯虔越瞻嚴祠望祭惟白敢
用羞幣祇荐愚誠所冀聰靈歆此菲薄誕格純嘏享
祐茲邦非唯長人獨受其賜

又

某忝被朝命獲守郡疆肅瞻靈祠寔與奠壤適茲臨
涖之始敢荐吉蠲之誠仰欽明神大庇庶士唯時降
福俾民用康祇報鴻休敢忘常典

南郊禮畢祭諸廟

此者國家精裡太室配帝圓穹熙禮甫成大賚斯洽
春靈祠之遺烈飭守備守吏以備儀祕荐苾芬庶陳
昭報諒惟神鑒歆此真馨儲福祉于民生息沴灾于
列境和平之格遐迩頽同

英宗皇帝即位祭諸廟

此者皇帝祇通先猷嗣隆丕太上御名霈宣大賚敷告多
方欽修三止之宗祇款萬靈之奧勅守臣而致禮在
祀典以必虔爰罄告蠲用嚴昭報仰祈聰鑒備享德
馨相邦祚于泰寧擁神休而錫美唯誠所格雖遠必

通

祭双庙祈雨

唐故張許二公中丞之神自昔之惠至初公以忠果殞于睢陽後人感慕風誼祠而享之于今且三百載而嚴奉如存者得非以公生既有禦災時報祈載在祀典不為無益也今涉秋閏雨將害染威某為長人唯茲是恤心雖深念而力不能救是敢夙夜齋戒致禱于公：既血食此邦惟民是依固宜享于潔誠應以甘澤使已稔之稼福而復茂將耨之種時其稔登

繫公之賜也公其鑒此

祭喬太尉廟祈雨

漢太尉喬公之神合宋之境古詞以十數其最為民所向信者公之神也去歲冬旱某始齋後請禱祠下未信宿而獲雨雪之應于是歲時報賽未嘗懈于禮焉今年自月六不雨至于仲秋木葉既秀而將樞厘楚已種而不入農疇咨閔某寔念之不敢不再告于神惟神向既受報于民固當恤此灾沴復興雲雨潤澤一方使時無艱食之嘆然後神享豐盛之祀益無

愧也

祭喬太尉廟謝雨

唯公特起睢陽遼事漢室威名振于郡邑勲勞顯于朝廷當官靡憚于權豪外學不懷于仇敵有知人之鑒則時雄慕其志有息民之志則夷貉肅其強至于屈邦君之尊以徇幽人之節可謂通矣割幼子之愛以除貞刼之患可謂果矣其懿績殊勲伯喈之銘見矣其令謨明訓孟惠之文備矣故去世千禩而英風凜焉梁碣之間里名未改陵墓之側喬木猶新摩彼

京都巍然廟額春秋奉享典令具存昨以急景窮冬愆陽為沴天津差候而弗作時令當寒而尚溫顧唯長人莫遑寧靈編走羣祀交荐令茅緬瞻故墟默致精禱以公生而利澤天下歿而血食此邦必能顯如在之靈動至誠之感曾未經于累日果獲應于其旁千里玉畿畢流于滋夜百嘉生物咸達于枯葢冥况如斯存心敢急是用躬率僚吏潔滌牲牢咸造闕宮祇陳奠筭少通精意用答神休尚期嗣歲之間更賴陰功之助異風雨之時若俾榮盛之畢登則夫矣傑

之威灵亘古而不泯吏民之祈報以時而益虔岂不
偉歟

祈雪

歲云暮矣時宜固陰而天澤未臻久温為沴地爽膏
潤民虞燥苗封圻之間神靈斯主是用祇被設醴恭
陳懇誠冀陰陽之下通格至和而來應使同雲之瑞
邑自府以皆流則潔凜之心吏與民而敢忘至誠之
望神其鑒茲

謝雪

昨以候戒迎冬時愆膏澤爰陳嘉荐致禱嚴祠曾未
浹旬果獲冥應其膏之瑞已洽于農疇休証之和抑
由于神造敢具芬馨之礼少陳報賽之勤冀與齊民
共蒙陰隲

祭喬太尉廟祈雪

向以涉冬愆尤編戶愁嗟不遑寧居是有齋禱今茲
時雪猶及天正萌甲稍滋均種不爽敢具嘉荐聿恭
誠報虔佇丕應嗣滂甘澤冀獲豐懋以康兆民昭事
之勤敢懈常礼

祭諸廟祈晴

封圻之境綿數百里生齒且億仰于加生今茲歲成
水潦荐降菽粟被野稔而未穫田萊既汙種將弗入
而陰暄弥月淫霖數米天地災之行實自人召凶有
神化主宰其間夫政事失時咎由守吏染威不告朕
在有司編戶何辜反罹于害長人無狀當被其責敢
用凱淪祗荐懃誠惟神聰直為靈慘舒是任宜恤羣
望宜霽層陰使收登不害于有秋播殖無妨于嗣歲
豐和期報稔沴畢銷民獲阜安依有神之賜

又

雨之霖淫二麥垂害必有所以戾陰陽乎今天子聖
神惠茲以虔天命以仁下民宜無是得也傳稱宋大
水公曰孤實不肅天降之災今刺史古諸侯也千里
蒙病咎將誰執頽之人荐飢者累歲祭祀不豐禮節
不舉此即開霽尚大有年倘刑罰鮮中政教

祭張公龙王廟祈雪

祭于張公龍王之神伏以應龍之息神化無方靜而
淵潛則其用莫見動而天飛則其利尤博故大易之

所贊三聖之所述其至真盛美豈虛也哉賴之近境
地有靈泉物神所蟠廟額斯在風俗向言州邑報祈
祈歲無飢飢凶寔賴神貺今亢陽為沴雨雪不時嘉
種將枯民生咨怨某受天子命作吏于茲惟民疾苦
之是憂惟時灾青之是恤所以夙夜恤懼將祈于神
案俗旧儀挹彼源液惟神普嘗應化于是邦今則血
食于一境必能奮起利用陰運化工驅風台雲洒潤
流津使千里決洽五稼滋茂時格和平人叶康靖非
獨守吏蒙其福釐抑所以延神休于無窮豈不偉歎

祭張公龍王廟謝雪

近以冬暘為厲農畝愆津徧走羣祀未獲嘉應粵瞻
淮壖蓋有龍穴嘗顯異跡真此一才爰徇民心遵用
祠法聖泉甫暨陰陽遂與雨雪其旁遠近告足恭唯
危惠潛用利見莫測豈守吏虛薄所能感動因荐香
醑昭報神休冀無後報以永賜貺

祭諸廟謝雨

向以自秋涉冬旱魃為虐立走羣望嘉應猶虛所以
夙夜祇懼不遑寧寧念人事之未盡不敢歸之于天

時恐誠意之未孚不敢慢之于祈禱果蒙神鑒爰降
甘澤田疇稍蘇播種漸入乃涓吉日用荐嘉牲昭報
厚賜以光靈德尚冀滂沛之惠無為後艱登成之祥
亦冀冥助

祭張公張龍王廟謝雨

向以常暘寢譽歷時不雨農疇因闕播種後期雖偏
請于近祠尚有違于嘉陰俯因眾欲殫竭至誠願瞻
靈湫寔惟危宅挹茲泉液置彼淨方釐風夜以致虔
迨決白而非懈陰雲甫集甘澤沛然長人之心少獲

寧蒙千里之廣頗遂膏蘇因荐醑肴昭報休惠光令
名于不朽莫丕祐于無窮

春祈嶽廟

唯帝作鎮岱宗奠居震位春言茲土夙奉巖祠仰憑
威神大庇生聚春陽戒序精意告虔式玆善祥普安
氓俗俾歲時之有獲庶瘥厲之潛銷連奉鴻休益虔
大報

春賽諸廟

伏以壤地千里畫為封疆必有神鑒陰為主宰惟是

春秋歲時祈報之事載于禮式守臣奉詔豈敢怠常
唯神歆此馨香賜以冥祐使歲時無水旱之沴疾疫
之災繫乃有神之貺也

秋賽諸廟

伏以州壤千里山川之神禮有常祀為守土者當奉
事焉夫神者惟民是依民者惟神是庇今歲事登稔
時無凶災實由神之賜潔粢豐盛荐享不匱亦為民
而報也聰直之靈庶幾其所之介以景福使無後艱
實守吏之幸矣

祭勾芒

惟神体配乾坤功施先稼條風啟蕨脉土震渝俶載
有期早晚宜示庶穰疢青將獲豐登

祭土牛

爰出土牛示農早晚因茲肇序恭荐令芳教民有初
抑用敦本神其昭監佑以善祥災沴不生登稼登茂
敢忘竅祀用荅純禧

又

條風解凍陽律茲始土牛著象以示農耕惟神協輔

帝功發育生類用是昭薦默祈純佑宵雪屢降拖苗
既茲庶蒙善祥克遂豐行民食無害蕃禧所臨敢忘
禋祀祇答靈貺

祭魏武帝

帝肇興王業大庇生人血食此邦威靈如在式臨春
序虔奉祀儀冀錫毓禧垂佑羣品民所仰止神其格
思

祭宥后

神官有世功厖食此土方春發育潔祀神靈虔奉國

章載陳宰醴冀蒙丕祐普及黎元以時降康慰民望
歲報功之典吏職敢忘

祭城隍

神奠守封疆實司土土水惟城郭溝池之固賴聰明
正直之依式屆仲春聿陳嚴祀冀曲垂于靈貺期永
庇于民居

祭牛龍

神以坤順之休協乾剛之靈瞻彼城隅奉茲廟額仲
春戒序薄祭致虔冀霽澤之時行慰庶民之望歲

祭五龍

神四靈之長五方是司肇興風雲繫育稼穡適當春
仲用辰祭儀奠時澤之不愆俾歲功而有獲

祭土地

神施生庶品大庇群倫式瞻靈祠近奠公宇仲春戒
叙薄具告虔敢祈及物之功曲降順時之祐

祭天王

神佐命上穹奠居北落護連雲營之勝氣風仰威靈
堅闢之嚴闔式遵虔奉仲春戒序薄具致詞敢奠神

聰荐降時祉

蘓魏公文集卷七十一

蘇魏公文集卷七十二

雜著

曆者天地之大紀賦

省題詩

南廡策問

李惟几改字說

題鄴侯字傳役

題枯木賦

題維摩像

卷七十二

題石軍帖

題御前曆子

題胡考甫書華嚴經

題清溪圖

題送誓光序

題灘院記

題應之詩

題張籍墨迹

題名茶記

題巨然山水

題君謨草書

題授經圖

硯銘

書帙銘

曆者天地之大紀賦聖人心通天地之教

昔聖王建官司地因象知天推曆用明于大紀考星
成自于初躔合三躔以為元成書最密舉二篇之定
策備數無愆古有善設載于前志因太初創曆之首

述往聖知時之義莫不究極象數精窮天地有時以
紀夫啟閉有日以紀乎分至躔難眩望也于此而為
正晦朔昏明也于此而攸示下可辨乎斗建上靡差
于辰次惟君審璇衡之運可以緒正于元功使民知
寒暑之來然後順修于時利况夫曆為一歲之本紀
明太極之基惟精禘之至妙豈深思之与知必也迎
辰以策定晷于儀帝舜則羲和而分命顓頊則重黎
而是司皆所以準厥二氣乘于四時聖有作也人皆
度之制自清臺得奉正履端之要駭由太史盡觀文

察理之宜若乃辰集于房日穷于紀孟陬既于恂月
建悒提亦随乎杓指圖將頌正朔以為令王乃觀情
性而順理章節元之書兮著于彼于丑寅之正兮見
于此可以察歲歛于未然定慘舒之所以推其生律
于陽于陰而互分治以明時春作秋成而是擬且夫
天之運也日與星而代遞地之道也柔與剛而莫穷
非乃聖無以探其顯非立法無以奉其中我乃錯綜
氣候參稽交通起建星而運其政精歲以成功考運
珠合璧之辰得名尤邃應大呂黃鍾之統立道斯同

用能鈎校白儀審觀新度成敗因之而遂紀氣節于
焉而可步于以極陰陽之大端于以備五六之中數
亦何異魯經比事奉二中以歲成義易窮神合五位
而象布後王以是知曆象不可不審經紀不可不循
或立元而謹其始或節事而授于民馮相則致乎日
月保章則志大星辰以定五十五數以通三百六旬
所謂見道而知治何患以天而古人彼為刻漏以考
中星但紀曉昏之度屢璇璣而觀大運蓋明氣候之
因猶未若測運動于二儀齊往來于七政建乃星紀

先夫美命吾皇所以監古曆之尤踈領新書而考正
天人之際因以明焉乃知夫作者謂聖

省題詩象載瑜

一人敦至化象載效嘉祥美澤昭仁感皇華顯道光
載馳聞檻、無外表澤、華轂初彰瑞椎輪夜服箱
器車難比美泉露包同方荐廟歌休息神靈祉式揚

南廟策問

問周制玉畿千里其外則九服諸侯之地也周而禮
所載六卿之屬三百六十皆王朝之官其名氏之繁

審典掌之閑冗若司市校人賤者之事皆命大夫僅
乎數百隣長比長才治五家皆命士故至于萬人夫
以千里之畿四郊鄉遂園廛場圃之外為田十一有
等官府之給六軍之衆封賞之地皆在其中其餘以
食萬官宜若不足而當時行之為便凡九正之歛致
財賄之入亦寡矣而大祭祀大賓客大田役四者之
勞無有虛月度其經費蓋不訾焉而當時不言其乏
我一家統一海內四鄉萬里皆為郡縣一毫之賦悉
歸縣官司會畷入宜若有餘然其設官自省寺至于

至于州縣不過萬數比周亦簡矣而議者猶病吏員
之冗勞于供億至于郊廟祭享數簡而礼畧朝會宴
飲歲不过二三師田講武稀濶而不行軍興調燠不
聞于警急方古無事矣而財用未嘗羨盈昔周以十
里用而足今以天下用而無餘其故何也也今之經
置不得其道耶將周官之載為虛文耶願陳所以異
同之說以輔當世之宜

又

問孔子曰如有王者必世而後仁又曰善人為邦百

年亦可以勝殘去敎若同里成康漢至文景唐至正
觀皆有國未數十年而仁政洽或刑厝不用或斷獄
數百或報囚十九古稱至治之極何以尚宋興百餘
年矣阻宗之休德主上之仁聖未嘗不以恤刑慎罰
為獄一有疑縱以予民吏或用法深故則廢而不錄
如此刑宜省矣然而天下歲報重辟常不下二千其
間忿爭賊害剽盜陵奪甚者骨肉相殘甘心仇怨皆
不可緩者習俗流敝而至是耶且必世之仁于周漢
唐見矣以我朝之隆盛獨不見其成效歟至于善人

不入于室猶能止惡而归善以累聖之求治反未能
致茲其故何也夫移風易俗使天下回心向道蓋儒
者之所願言也蓋陳古所以致治而今所以未能省
刑革弊具仁必有本末章志言之

又

問孔子曰如有用我者暮月而已可也三年有成孟
子曰師文王大同五年小國七年必為政于天下矣
此言為政者道民以漸非累久則不能成功故周公
相成王六年然後制禮作樂以致太平是也而伯禽